

Exit de carnis latebris nec funestus nec fune- A  
bris.  
Sub monachali regula ruga carens et macula,  
Per signa, per miracula mortis disrupti vincula.  
Currens, sed non in irritum, naturæ solvit debi-  
tum :  
Cujus commendat exitum cursus expleti meri-  
tum.  
Confessor par martyribus, adesto confidentibus :

Junge nos tuis precibus concives coeli civibas.  
Sit laus Patri cum Filio, et in duobus Tertio :  
Quorum simplex connexio, unitas, et non unio.  
Amen.

## ORATIO.

Concede nobis, omnipotens Deus, sancti Geraldii, confessoris tui atque abbatis, meritis confoveri, ut quem multis voluisti miraculis declarare in terris, ejus intercessionibus commendemur in cœlis.

## STEPHANI TORNACENSIS

### SERMONES.

(Edit. Opp. Stephani Tornacensis, curante R. P. Du Molinet.)

#### SERMO PRIMUS.

*In synodo.*

*Qui habet sponsam sponsus est, amicus autem sponsi gaudet gaudio propter sponsum, quia audit vocem ejus (Joan. iii). Sacros et solemnes in Ecclesia conventus et amicus amplectitur, et inimicus abhorret : nam et cœlestium castrorum acies co-armata, sic est amabilis suis, ut sit terribilis alienis ; nihil in ea sibi vindicat scena theatalis, aut Circense certamen, aut ferarum facinorosa spectacula, sed totum convertitur in laudes ejus, cuius laus in Ecclesia sanctorum. In hoc theatro sacramentali concluditur, non illuditur. O sacerdos, tuum est spectaculum diel hujus ; tua interest interesse ; leva oculos tuos in circuitu et vide ; omnes isti tecum congregati venerunt tibi ! Tibi dico, sic alloquens singulos, ut in singulis universos, negotium est tibi cum virgine quadam, et in negotio sacramentum omnium sacerdotum. Mirares ! qui cœlibatum promiscras, matrimonium contraxisti : placuit in cœlibatu Joannes, in matrimonio Abraham ; tu fructum colligis in utroque, singularis et præcipua virgo tibi desponsata est, et in domum usque traducta. Si de nomine quæraris, ipsa est dignitas sacerdotii sacerdotum, cum qua individuam vitæ consuetudinem pepigisti : statuit enim tibi Dominus. . . . . . tibi sacerdotii dignitas. Testamentum pacis, ut est T. S. D. in æternum. In æternum tibi a summo patresfamilias hæc virgo tradita est et conjuncta, fuge causas divorci, noli querere solutionem. Currant et permaneant temporalia fœdera inter sacerdotem et sacerdotii dignitatem ; nec est plebeia virgo ista, quæ non solum clarissimas ac spectabiles personas attigit, sed etiam usque ad gradum illustrium seminarum pervenit ; hæc est illustris natalibus, insignis operibus, secunda moribus, secunda sermonibus. Si ad natalium gloriam recurras originem duxit a rege Salem, qui omnes filios Abrahæ in lumbis ejus, uno ex-*

B cepto, decimavit ; ab Aaron, cuius virga, cum esset arida, floruit, fronduit et fructum fecit ; ab Eleazar, qui terram promissionis cum Josue filiis Israel sorte divisit. In summa ab illo magno sacerdote, qui in diebus ejus placuit Deo, et inventus est justus, qui assistens pontifex futurorum bonorum, introivit semel in sancta æterna redemptione inventa, vere nobilibus orta parentibus, vere atavis edita regibus. Ipsius magnifica opera si retractes, ipsa per manum Phinees Israelitam cum Madianitide turpia committentem pugione confudit : ejus enim ministerio factum est quod stetit Phinees, et placuit et cessavit quassatio. Item per manus Azariae sacerdotis Oziam regem Juda irreverenter sacerdotalia usurpatam constanter arguit, et lepra persusum de templo ejicit. Per manus Matthathiae in civitate Modim, in Deum ritus sacrilegos exercentem cum nuntio regis Antiochi super altare trucidavit. Hæc sunt quæ operata est consilio manus suarum ; magna opera ejus exquisita in omnes voluntates ejus : et ut de moribus ejus optima sit quæstio, hæc est Sara maturior, Rebecca sapientior, Lia secundior, Rachele gravior, Anna devotior, Susanna castior. O virgo sancta atque glorioса, quia Dominus omnium dilexit eam ! revera multæ filiæ congregaverunt divitias, tu supergressa es universas.

D Consulamus et gratiam sermonum ejus : libenter salutat, benigne respondet, sapienter loquitur, veracunde tacet. Nimirum libenter salutat quotiescumque videt duos aut tres congregatos in nomine Domini, blanda eos salutatione præveniens dicit : Dominus vobiscum. O salutatio salutaris, quæ nobiscum optat esse Dominum salutis, vere diffusa est gratia in labiis tuis ! Benigne respondet, quoties peccatori injustitiam suam consilenti, et pectus suum cum publicano tundenti, cum David dicenti : Peccavi Domino ; suavi et mihi eloquio suo juvans pusillanimis, refovens fœbiles, subjungit : Absolu-

tionem et remissionem omnium peccatorum tribuat A tibi, qui muneribus vultum deprecarentur, et tibi Dominus. Nam quæ benignior responsio quam quæ tristem demulcit? consolatur dolentem? oppressum relevat? compeditum solvit? Lex clementiae in lingua ejus. Ilac responsione tua, beata virgo, favus distillans labia tua, mel et lac sub lingua tua. Sapienter loquitur, quia in omni proloquio suo, invocato prius divino auxilio, communicato cum fratribus consilio præmittit: Oremus, divinum auxilium invocat; at ipse, cum loquitur Deo, sermonem rectum et bene sonantem habeat in os ejus. Consilium cum fratribus communicat, quando in congregatione justorum consistens et confidens, sic arrogantiæ vilat, sic humilitatem habere contendit: tenet enim memoriter, quia sape est, ut quod non possint singuli, prævaleant universi. Ille est quæ os suum aperuit sapientiæ, et labium ejus disseminat scientiam. Veretur le tacet, quoniam in illo triplici silentio, quo vivifica et mirifica tractantur mysteria, quo terrenis cœlestia conjunguntur, quo Filius Patri offertur, summæ devotionis ac reverentiæ gravitatem gerens, non in quiete movetur, non negligenter cursitat et oscitat, non vagatur oculis, non circumspicit assistentes, cultum justitiæ, silentium observans, tempus tacendi discernit a tempore loquendi. Talis est anima tua, et ipsa dilecta tua, tota est pulchra, et macula non est in ea: attende etiam quia non est inulta, neque vili velamine tecta, venit in amplexus sacra puella tuos. Byssus et purpura indumentum ejus, de illo thesauro patrisfamilias, de quo proferuntur nova et vetera; attulit secum octo ornamenta magno pretio, magno sacramento, tunicam scilicet lineam, tunicam hyacinthinam, balteum rationale, superhumeral, cidarium vel tiaram, laminam auream in fronte, et præter consuetudinem sexus ad majorem pudicitiæ cautelam, femoralibus lineis opera est. In femoralibus lineis carnis munditia, in tunica byssina munditia mentis, in tunica hyacinthina secretum contemplationis, in balteo rigor distinctionis, in rationali virtus discretionis, in superhumerali onus compassionis, in cidari vel tiara signum perfectionis, in lamina aurea eminentia charitatis: hæc est gloria ejus quam protulit filia regis ab intus in simbriis aureis circumamicta varietate. Ecce quæ et qualis astitit regina a dextris tuis, circundata venustate. Sed est præcipua causa, quia castis amplexibus ejus inhærere debeas. Si enim non quid fiat, sed qui fieri debeat, attendamus, ipsa te elegit, non tu eam elegisti.

Generalis enim est regula illa, et quæ locum habet in omni sacerdote, summo, medio, insimove, ut queratur cogendus, rogatus recedat, Invitatus fugiat, sola illi suffragetur necessitas se non excusandi: si aliter in aliquo matrimonium factum est, vitiata est regula, et perdidit officium suum; ipsa namque te prævenit obsequiis, invitavit muneribus, salutatione commonuit, commonitorio blandita est, domesticos et familiares nuntios suos

A misit tibi, qui muneribus vultum deprecarentur, et te in amorem tantæ virginis ardentius incitarent. Et primo quidem misit adolescentem expeditum et eruditum, expertum opere, eruditum sermone, ordinem dico clericatus: non apparuit in conspectu tuo vacua manu, sed idonea munera deferens. Accipe, inquit, ex parte dominæ meæ in pignus et arrham amoris forcipes et mantile, ut altero superflua quæque absindas, altero maculas et sordes abstergas. Sed et amatoria deinceps cantica rhythmulos, et sonos amori ejus congruos, de ipsa poteris decantare. Nam et cantorem et psalmistam te instituit hodie: *Vide tamen ut quod ore cantas, corde credas; et quod corde credis, operibus comprobes.* His dictis et datis recessit nuntius. Tu B quam reverentiam datis, quam obedientiam dictis exhibueris, attende. Si solos amoris ejus combiberis ignes, ne incœperis deinceps vagari per greges sodalium tuorum, majora prioribus meruisti. Si quominus econtra misit et alterum secretarium suum, qui thesauros ejus custodiat, et chrisma, ordinem scilicet ostiarium. Ipse claves in signum secretionis, et quasi clausi partus, et aperiendi amoris dominæ suæ tibi dedit: *Sic age, inquit, sic rive, quasi redditurus rationem pro his rebus quæ clavibus recluduntur.* Adhuc eo loquente ecce et aliis ejusdemque secreti conscientis, facundus admodum, et labii circumcisi, qui te cum domina sua sine vitio loqui doceret, ordo scilicet lectoris. Codicem etiam suo ministerio aptum tibi dedit: *Accipe, inquit, et esto zelator verbi divini, habiturus partem cum iis qui verbum Dei ministraverint, si fideliter impleveris officium tuum.* Necdum verba compleverat, et ecce alias prædictæ virginis assecula, qui carmina ejus, quæ habent vires ad effugandam potestatem omnem iniunici, tibi dicere, te doceret, ordo scilicet exorcistarum, libellum etiam in quo efficacia carmina sunt dedit, tibi dicens: *Accipe et commenda memoriæ, et habitu potestatem imponendi manus super energumenum, sive catechumenum, sive baptizatum.* Loquebatur ille, et ecce cainerarius virginis, qui cubiculo ipsius in luminaribus deservit, ordo scilicet acolythorum, et in manu ejus candelabrum et cereus quem tibi mittebat, ut omnia tua in luce fierent: nam et ipsa filia lucis est, non noctis neque tenebrarum, addiditque: *Accipe hoc gestatorium luminis, ut per hoc valeas adversariorum tenebras effugare, et verissimum lumen quod illuminat omnem hominem venientem in hunc mundum, fideliter invenire.* Vide quanti te fecerit, quæ tantis muneribus et nuntiis copulam tuam comparavit. Si honeste, si pudice, sine tantæ virginis attactu digne in præfatis ordinibus vixisti, gaude et lætare, dignus accipere quæ sequuntur. Si continentia frena laxasti, et secutus es amatores alienos, zelum sanctæ virginis offendisti, deduc torrentem lacrymarum per diem et noctem, et non taceat pupilla oculi tui. In omnibus tamen his non fuit aversus amor ejus, et adhuc dilectio

extenta; misit tandem ad te unum, quo chariorem A nes pauperum, pretia peccatorum. Digne est enim et familiararem, altero excepto, non habet, qui inter sacros ejus ministros computatur, qui secretioribus et sacratioribus consiliis et operibus ejus assistit, ordinem scilicet subdiaconatus. Is ad colloquendum cum domina sua te intromittens, inter cetera quæ tibi attulit, calicem scilicet et urceum aquæ, mantile et manutergium, ut in conspectum et in amplexum tantæ virginis mundior venires, manipulum tibi dedit: *Accipe, inquit, manipulum in manibus tuis ad extergendas sordes cordis et corporis tui.*

Huic te nuntio tam firmiter obligasti, ut de cætero corporis tui potestatem non haberes, non dico tollendi membra tua, et faciendi membra meretricis; sed nec etiam conjugalem copulam expetendi. Nam in primis ordinibus si contrahatur matrimonium, quamvis tamen raro lecta nostrorum temporum id viderint, non separatur; iste tamen sic impedit contrahendum, ut dirimatur contractum. Tandem amoris impatiens, et quasi totam se tibi exponens, misit illum sacratissimum et secretissimum consiliarium suum, qui in interiore familiaritatem ejus admissus, de ore ipsius audit verba, quæ vix licet homini loqui, ipse est ordo diaconatus. Dedit etiam quod in scrinii dominæ suæ pretiosius erat et charius, codicem scilicet, sacra Evangelia continentem. *Accipe, inquit, hoc volumen sacri Evangelii, lege et intellige, et aliis trade, et opere adimple.* Ibis te prævenit obsequiis, hisce muneribus invitavit. Quid ultra tibi debuit facere et non fecit? Tota denum in amore tuum proruens, totam sese votis tuis offerens, ipsa quæ per nuntios suos tibi loquebatur. Ecce adest; dies sponsaliorum tuorum statuitur: virgo per presbyteros archidiaconos tanquam per proxenetas et paronymphos introducitur, contrahentes matrimonium sub hac forma: *Postulat sancta mater Ecclesia hunc præsentem diaconum ad sacerdotii gradum promoveri.* Proxenitica autem in hoc contractu non recipimus, quoniam pravitatem Simonis important, cuius haeresim detestamur. Gratia enim si non gratis datur, non est gratia, statimque labiis ejus stillantibus myrrham primam, transfusum ab ipsa virgine osculum suscepisti. Num et in ejus accessu suscepto ab ordinante osculo audivisti: *Pax tibi.* Itaque despontata tibi est, et in domum usque traducta; despontata in consecratione, traducta in domum in tituli collatione; eam namque despontationem dicimus, quæ per consensum de præsenti matrimonium facit. Gratum quoque sibi exhibuerunt occursum, inde dos, hinc donatio propter nuptias, uberem tibi constituit dominus sacra virgo, altare scilicet et accessiones ejus, nec dicimus accessiones civiles aut naturales, sed sacramentales, sicut offerre, baptizare, pœnitentiam dare, ligare et solvere.

Quod si causeris hos agros steriles, qui temporalia non ferant, attende preventum nuptiarum, primitiarum decimationum, vota fidelium, oblation-

ut qui altario deserviunt, de altario vivant. Hoc est altare, de quo edere non habent potestatem. qui sæculo deserviunt, quo et indignus et inferius est, vel thymiamatis aureum, vel æreum holocausti. Hoc dotale prædium revera alienari non potest, utpote ab omni commercio exemptum humano. Duo secum adduxit in ministerium tuum mancipia, non quæstuaria, sed omni honestate prædicta, quia et ipsæ magnæ virgines sunt, potestatem scilicet et execrationem; potestatem in despontatione, et execrationem in sui traductione. Hanc dotem profectitiam, id est de bonis summi patrisfamilias præfiscientem secum attulit et tibi dedit. Tu econtra donationem propter nuptias, et si non doti complices, facultatibus tamen tuis congruam contulisti: non solum enim usum, sed usufructum, sed et etiam proprietatem membrorum tuorum, sensuum et actuum in ministerium tantæ virginis dedicasti, ut de cætero exhibeas te ei hostiam vivam, Deo placentem, rationabile obsequium tuum. Duas quoque virgines, quarum servitio delectatur, dedisti, sanctitatem scilicet et honestatem. His enim curam et custodiam totius rei familiaris committi mandat Apostolus, ut sciat, inquit, unusquisque possidere vas suum in sanctificationem et honorem (*I Thess. iv*). Sanctitas hominem interiore perficit et consummat, honestas exteriorum disponit et ordinat; sanctitas servat conscientiam, honestas faunam; sanctitas providet bona coram Deo, honestas etiam coram omnibus hominibus; sanctitas facit quod bonum est tenere, honestas ab omni specie mala abstinere; sanctitas est lumbos præcincture, honestas lucernas ardentes in manibus tenere. Has virgines virgo pudica sic exigit in donationem propter nuptias, ut sine ipsis non sit legitimum matrimonium, non rectum obtulisti et annulum, fidem scilicet qua sic de cætero tantæ adhæreres uxori; ut ad vota alterius non transpires: sed et monile, quo pectus clauditur, perpetua scilicet commemorationem seu memoriam castitatis, in aures quoque perfectam obedientiam continentis. Inter hæc pacta dotalia, inter has solemnitates conjugales, sit ingressus ad nuptias; astant pro foribus janitores, qui indignos rejiciunt, dignos admittunt, videlicet austeritas legis et rigor canonum. Legis austeritas baculum, rigor canonum virgam tenet: nam illa minatur supplicium mortis, ista sententiam depositionis. Inhibet et clamat legis austeritas, ne intret cæcus, claudus, parvo, vel grandi, vel torto naso; si fracto pede, si manchus, si gibbosus, si lippus, si albuginem habens in oculo, si jugeum scabiem, si in corpore impetiginem, si ponderosus aut herniosus. Cæcus lumen veritatis non videns; claudus per viam justitiae recte non gradiens; parvo, vel grandi, vel torto naso, discretione non utens; fracto pede, nec etiam in ille vestigium apponens; manchus, bona non operans; gibbosus, sarcinam peccatorum portans; lippus, in intelligentia sana

caligans; albuginem habens in orculo, bonæ inten-  
tioni arrogantiæ miscens; jugem habens scabiem,  
servore libidinis pruriens; impetiginem habens in  
corpore, lucris avaritiæ studens; ponderosus, turpi  
cogitatione ad terram deflexus.

Stat ex altera parte rigor canonum, intrare vo-  
lentes arcens et clamans: non neophytum, non bi-  
gamum, non viduæ maritum, non illiteratum, non  
corpore tunicatum, non ex sacerdote genitum,  
non servilis, aut curialis, aut ascriptitiæ conditio-  
nis nexibus astrictum: non eum qui semel furave-  
rit, non qui ecclesiasticis disciplinis eruditus non  
fuerit, non qui inaculis infamia respersus sit. Inter  
bæc auditur vox exultationis et salutis, vox citha-  
rædorum citharizantium in citharis suis: exsultate  
et eructate de corde pleno verba bona Davidica in  
psalterio et cibara, Amos in pastorali fistula, Pauli  
in evangelica tuba. Antequam accedatur ad men-  
sam, confessio manibus aquam petit, contrito per  
lacrymas fundit, satisfactio linteo munditiæ manus  
tergit. Officio trium istarum virginium absolvuntur  
convivia, præcone per atria clamante: *Lavamini,*  
*mundi estote (Isai. vi); item: Mundamini qui fertis*  
*vasa Domini (Isai. LII).* Dehinc ascenditur ad men-  
sam, non illam propositionis, in qua per singula  
Sabbata panes calidi, posterioribus amotis, pone-  
bantur; sed ad mensam, quam posuit Sapientia,  
quam paravit in conspectu tuo adversus eos qui  
tribulant te. Apponuntur panes azymi, quos summi  
Regis panisæ sinceritas et veritas confecerunt, C  
hic est panis angelorum, quem manducavit homo,  
ne deficiat in via tali recreatus viatico. Inferuntur  
et carnes Agni immaculati, non illius quem Moses  
immolat, sed quem Joannes digito demonstrat,

A Agni qui tollit peccata mundi, qui coram tendente  
obmutuit, in cuius sanguine lavaverunt stolas suas,  
et dealbaverunt eas omnes electi. Miscetur et dis-  
cubentibus vinum germinans virgines, vinum quo  
laetificat cor hominis, quod expressum est in prelo  
crucis, de vite vera cuius vos estis palmites. Hunc  
cibum Dominus ipse qui apponit, sic exponit:  
*Caro mea vere est cibus, et sanguis meus vere est*  
*potus (Joan. vi).* Haec sunt epulæ quas qui vere et  
digne suscepient, non esurient, neque sient amplius.  
Haec celebrasti nuptias, o sacerdos; huic te  
matrimonio copulasti, propter hoc reliquisti patrem  
et matrem, ut adhaereres uxori tuae. Nec deerit so-  
boles in hoc conjugio: nam si forte, quod absit!  
veneno sterilitatis non procreentur, multiplicabitur  
semen tuum sicut stellæ cœli, et sicut arena quæ est  
in litora mari. Quidquid enim sacri baptismatis  
unda lavasti, quotquot animas tuis prædicationibus  
ad poenitentiam convertisti, omnia bona opera  
qua fecisti, tui liberi et filii benedictionis sunt.  
Aliter potest multiplicari semen tuum, sed damna-  
biliter, non tantum operibus videlicet, sed etiam  
verbis diversimode, verbi gratia, quæ malignitate  
non flunt aut non dicuntur, peccata sunt venialia;  
sed alia sunt opera et verba falsa de quibus loqui-  
tur Psalmista: *Verba iniqua et dolosa adversus pro-*  
*ximos (Psal. xiv); et alibi: Perdes omnes qui lo-*  
*quuntur mendacium (Psal. v).* Alia sunt verba cor-  
dis, ut sunt mala iudicia adversus proximum, de  
quibus apostolus: *Tu vides festucam in oculo pro-*  
*ximi tui, et non trabem in tuo (Luc. vi), unde quo-*  
niam alterum judicas, quia te ipsum condemnas:  
caete ab his qui sunt filii mortis, ut districti Ju-  
dicis sententiam vitare valeatis. Amen.

## ELENCHUS

Sermonum M. Stephani abbatis S. Genovese Parisiensis ac episcopi Tornacensis.

### Sermo I. In synodo.

- Qui habet sponsam sponsus est.
- II. De Nativitate Domini.
- Misericordia et veritas obviaverunt sibi.
- III. De Nativitate Domini.
- In propria venit, et sui eum non receperunt.
- IV. De Nativitate Domini.
- Natus est nobis hodie Salvator.
- V. In Septuagesima.
- Simile est regnum caelorum homini patri fami-  
lias.
- VI. De Resurrectione in synodo.
- Dignus es, Domine, accipere librum.
- VII. De die Resurrectionis.
- In diademate capitis autem lapides pretiosi fulge-  
bunt.

### VIII. De Spiritu sancto.

- Jesus Christus heri, et hodie, et in eternum.
- IX. De Ascensione Domini.
- Postulavi Patrem meum, alleluia, dedit mihi ge-  
tes, alleluia.
- X. De uno confessore.
- Sint lumbi vestri præcincti.
- XI. In festo SS. Apostolorum Petri et Pauli.
- Cum esses junior cingebas te.
- XII. De sancta Genovesa.
- Sapiens vincit malum
- XIII. De Resurrectione Domini.
- Maria Magdalene et Maria Jacobi et Salome.
- XIV. In die Pentecostes.
- A quatuor ventis veni, Spiritus, et insuffla.

- XV. De sancta Genovefa.**  
Mulierem fortem quis inveniet.  
**XVI. De passione Domini.**  
Oblatus est quia ipse voluit.  
**XVII. In Parasceve.**  
Præsens hebdomada sicut gravis est suppliciis,  
sic est gradata sacramentis.  
**XVIII. De Resurrectione Domini.**  
Expurgate vetus fermentum.  
**XIX. In die Pentecostes.**  
De excelso misit ignem in ossibus meis.  
**XX. In die Pentecostes.**  
Spiritus disciplinæ effugiet fustum, et non habita-  
bit in corpore subditio peccatis.  
**XXI. De sancta Genovefa.**  
Quæsivit lanam, et linum et operata est.  
**XXII. In Nativitate Domini.**  
Verbum abbreviatum faciet Dominus super ter-  
ram.

- A**  
**XXIII. In Resurrectione.**  
Haec dies quam fecit Dominus.  
**XXIV. In Natali Domini.**  
Et mulier peperit filium qui recturus erat  
gentes.  
**XXV. In Resurrectione.**  
Comedite, amici, et bibite, et inebriamini, cha-  
rissimi.  
**XXVI. In Nativitate Domini.**  
Vagit infans inter arcta conditus præsepia.  
**XXVII. In Nativitate Domini.**  
O clavis David et semipeterna domus Israel.  
**XXVIII. In Pascha.**  
Rosco crux Agni benignissimi empta.  
**XXIX. De S. Trinitate.**  
B Denum time.  
**XXX. De Nativitate.**  
Pastores erant in regione eadem.  
**XXXI. In dedicatione ecclesie.**  
Ponam te in superbiam sanctorum.

## STEPHANI TORNACENSIS

### SUMMÆ DE DECRETIS PROœMIUM.

Si duos ad cænam convivas invitaveris, idem po-  
stulantibus contraria non appones, petente altero  
quod alter fastidiat, non variabis fercula; vel ne  
confundas accubitum, vel ne accumbentes offendas.  
Latinus azyma, fermentum Græcus amplectitur; si  
pariter accesserint ad altare, neuter alterius sacri-  
ficium contemnat. Duos ad convivium vocavi, theo-  
logum et legistam, quorum voluntates varia spar-  
guntur in vota, cum iste delectetur acidis, illo  
dulcia concupiscat. Quid demus, quid non demus?  
renuis tu quod petit alter. Opuscula currentes in  
præsenti leges exponere si proponam, juris peritus  
ægre feret, nares contrahet in rugam, caput con-  
cavit, exporriget labellum et quod sibi notum re-  
putat, aliis non necessarium opinatur. Præterea si  
Veteris aut Novi Testamenti gesta mystica narrare  
cœpero, sicut iutilia reputabat theologus, et opu-  
sculum nostrum tum prolixitatis arguet, tum in-  
gratitudinis accusabit. Condescendant invicem, sibi  
sano colludant assensu, compensent utilitati dis-  
pendia, nec historiarum prætextu leges divinas ab-  
jiciat, nec legum fastidio jurisperitus amittat quod  
in historiis amplexatur. Prolixitatis veniam peto,  
cum nec horæ momento mare transire potuerim,  
nec longa terrarum spatia paucò vestigio circuire.  
His breviter in ablutionem manuum effusis, præ-  
missas accubentibus epulas apponamus.

In eadem civitate sub eodem rege duo populi  
sunt, secundum duos populos duas vitæ, secundum  
duas vitas duo principatus: duplex jurisdictionis

C oru procedit. Civitas Ecclesiæ, civitatis rex Christus; duo populi, duo in Ecclesia ordines, clericorum et laicorum; due vitæ, spiritualis et carnalis; duo principatus, sacerdotium et regnum; duplex jurisdictionis, divinæ jus et humanum. Redde singulis, et convenient universa. De jure humano  
varie et diffuse in constitutionibus principum et in  
responsis prudentum multa leguntur. De jure autem  
divino dicendum est, et quidem in primis de primo  
ejus progressu. Divini juris originem quidam a  
principio mundi cœpisse dicunt. Cum enim Adam  
de inobedientia argueretur a Domino, quasi actioni  
exceptionem objiciens, relationem criminis in con-  
jugem, imo in conjugis actorem convertit, dicens:  
*Mulier quam dedisti in sociam, ipsa me decepit, et  
comedi (Gen. iii):* sicque litigandi, vel, ut vulga-  
riter dicanus, placitandi forma in paradiso videtur  
exorta. Alii autem a veteri lege judiciorum ordinem  
initium habuisse. Ait enim Moyses in lege: *In ore  
duorum vel trium testium stet omne verbum* (Deut. xvii). In Novo quoque Testamento Paulus apostolus  
ait: *Sæcularia igitur judicia si habueritis, contem-  
ptibiles qui sunt in Ecclesia, illos constituite ad judi-  
candum* (I Cor. vi). Alii compendiosius ordinentes  
divini juris originem, a primitiva sumunt Eccle-  
sia: cum enim, cessante martyrum persecutione,  
Ecclesia respirare cœpisset sub Constantino impera-  
tore, cœperunt Patres sancti convenire, concilia  
celebrare, et in eis pro diversitate negotiorum ec-  
clesiasticorum diversos canones et ediderunt et